


МИХАИЛ
ЕЛЬКИН

ОРДЫМ

ВОСЬСА

СЬӨЛӨМӨН

КЫВБУРЬЯС



Елькин Михаил Андреевич чужис 1958 воын Сыктывдін районса Шошка сиктын. Школа бõрын уджаліс совхозын. Служитіс армияын. Помаліс Сыктывкарын рытяя шõр школа, заочнõ велõдчõ Москваын, М. Горький нима литературнõй институтын. Уджалõ «Войвыв кодзув» журналлõн редакцияын.

Кывбурьяс петавлісны республиканскõй газетьясын да журнальясын, «Парма гор» сборникын. 1986 воын петіс медводдза книга «Õзын».

КОМИ КНИЖНÕЙ ИЗДАТЕЛЬСТВО

1989

84 Ко
Е 25

Художник В. В. Токарев

Елькин М. А.

Е 25 Ордым. Восьса сьёлөмөн: Кывбуръяс.—
Сыктывкар: Коми книжнӧй издательство,
1989.—32 л. б.

ISBN 5-7555-0108-4

84 Ко

Е $\frac{4702310600-023}{M 128(03)-89}$ 27—89 м

Е $\frac{4702310600-023}{M 128(03)-89}$ 27—89 м

ISBN 5-7555-0108-4

© Коми книжнӧй издательство, 1989.

уджйӧз

Пыр мӧвпавсис: быдма — и мамлы, и батылы
Ме вештыся ставсьыс, кор кок вылӧ сувта...
Эг вевъяв... Кад исковтис чой ньылыд даддьӧн —
Ме мам-батылы уджйӧза нэм помӧдз, кувтӧдз.

И гортлы пӧсь кывъяс ме кӧсйылі шуны,
Мый шудаӧн быдми да верстямми гортын.
Эг казавлы — ноксигӧн кӧсйӧмӧй вуні,
Тэ дивит кӧть эн — сӧмын вунӧма, ӧртӧй.

Дай тэныд ме уджйӧза ӧртӧй... И мыйӧн
Тэд вештысьны сысь, мый менӧ эн эновт...
Ӧд шогыс кӧть кутшӧми менӧ эз кыйӧд —
Тэ орчӧн, а кыкӧннад шогсӧ ми венам.

Кор вештыся ставсьыс? А кадыс ӧд мунӧ,
И сьӧлӧмӧс ӧтарӧ ӧнджыка сотӧ...
Мый мынтысьны кӧсья — но лӧбзьӧны лунъяс,
А уджйӧзӧй лунысь-лун содӧ и содӧ.

Ог вештысь став уджйӧзысь туй помӧ вотӧдз,
И ас вылысь найӧс ме мӧдлы ог йӧткышт...
А бур, гашкӧ, уджйӧз кӧ сьӧлӧмӧс сотӧ
И уджйӧзсӧ тӧдӧмӧн — овнысӧ тшӧктӧ...

* * *

Збыль — арлыдтö артавны сэки оз сулав
Кор нöйтчö на сьöлöмыд, томдырся пым...
Эн вензьöй! И Войвылын март тöлысь — тулыс,
Кöть кöдзыд, дай усьлö на лым.

Ме лунысь-лун овнысö öддза и öддза,
Кöть олöмас бушколыс кызди оз гарт...
Сэк овнысö кöсйöм оз пышйы, оз кöдзав,
Кор сьöлöмад — шонди март.

Мед шулöны меным, мый нэм джынйöс олі,
А умöй, со, талунöдз эз на и шед...
Мый нывъяскöд öнöдз ме тöдмасьны пола,
Кöть öйыла муслунөн... Мед!

Мед кодлыкö ставыс зэв кокниа сюрö,
Мед горшлуннас, колöмнас тырöма лов!
Мен мусаджык енэжын шывъялысь тури,
А кабырö пыста оз ков.

Ас сикт кузя кöмтöг ме гожöмнас муна,
Ме войт мында яндысьны таысь ог кут.
Мем козьналас медводдза дзоридз июнын
Веж чышьянөн шевкнитчöм луд.

Кор кольö нин ма кöра войяса юльöй,
Сентябрын, кор йиркнитас медбөръя гым,
И сэки ме ола!
И сэк меным тулыс!
Öд сьöлöмöй важ моз на пым...

* * *

Эн жалит кызд пусё, код дзоляник да нэр,
Да сывъя пожом бердө ляскысьома татчө.
Тан сылы войтваон нин инмө весиг зэр,
Тан сійос төв ныр, чардлөн биа ньөв оз аддзы.

Эн вежав пожомыслы: «Вөрса багатыр!»
Код пашкыр юрнас мыджсьө кодзув йөрө...
Да, сійос асыв медводз чолөмалө пыр,
Но-й бушков дырйи сійө медводдзаон пөрө.

ӨТИ ДОЙӨН

(Кык сонет)

Шань муыс, ёртөй, аттьоалас асьтө
Кор гөран-көдзан... Тулысын он узы!
Тэ радейт Мусө! Арнас гөрөм пластысь
Кыз шептөн бергөдчас быд көйдыс тусь.

Но атом гөрийөн гөрысьяс на эмось,
И саридз весьтө өшйө яда ру!
И курыд синва кисьтө зумыш енеж
Да сыркъялөмөн бөрдө коньөр Му.

Кор төдла ме, мый кодкө олө сийөн,
Мед мусө чишкавны выль война биён,
А мөд оз аддзыв пөттөдзыс нянь-сов.

Сэк луныс меным бергөдчө съөд войён,
Ме вися Му шарыскөд өти дойөн —
Мем тайө дойсьяс бурдөмыс оз ков...

* * *

Нэм олан, ёрт, — да быттьо он в овт.
И мунан кадö нöшта ыджыд вынөн
Ми көсьям юны сөстөм ывла сынөд,
Дась мөд нэм овны миян азым лов.

Бур ногөн сэки петас миян веж
Том зон вылө, код окалө шань нылөс,
И овны көсйөм пытшкысь ёся кылам...
Но огө повзьöй, шуасны кор: «Кеж!»

Эн пов! Öд муыс дзоридзалан кольö,
Сөдз васö нуö юлань парма ёлыс,
А миян пыдди олысь локтас выль...

Вөр-васö, шондi, енэж шоньд зэрнас
Ми ас бөрся, ёрт, кольныс тэкөд верним!
...И ассыным — кык кузьмөс лыа мыльк.

* * *

Зэв ыджыд чолөм тэд, пыдөстөм лөз синма
тыой!
Кодлысь нин веткисö нуö веж юрсиа гыыд?

Небыдик лун төлыс мыш тэнсьыд мавтыштö
вийөн...
Коді нин сынъястö тэ вылын гожөмнас кыйö?

Кыйсьыліс пöльöй... И чомйыс на ты бокрын
ловъя.
Ачым на зэръясысь сы пытшкö дзебсьыла, овлө.

Кудрияс-гыястö батьөлөн сынавліс пелыс,
Кыйсис став рөдвужöй сиктын... А ме со эг
велап!

Быть өмöй ставнымлы нэм чөжөн кыйсьыны
колö?
Ме и ог кыйсьы... Ме шойччыны ты дорас вола.

Сыысь, мый тывйөн лөз ты вылын ачым ог
дур ме,
Гашкö, и менö тшөтш ныв-пиöй казътылас
бурөн.

ГӦРА

Збой шоръясӧн исковтӧ юӧ
Став лымйыс, мый тӧвбыдӧн усьліс.
И шудаа бӧрдігтыр юсьяс
Со тӧвзьӧны асланыс муӧ.
Кӧть бурсины налы и рад ме,
Но гежӧда видзӧдла вылӧ.
Сук рас бокин, горт дорсянь ылын
Ог узь, гӧра-лӧсьӧда градъяс.
Мед серам выв лэптӧны ёртъяс
Да ме вылӧ дзоргӧны тшапа,
Мый отсасьысь некод мем абу,
И кӧйдысӧй дасьтытӧм гортын.
Мед мудзыс мем сюрӧ и бусыс,
Но уджӧс кӧ эновта, кежа,
Сэк тыртас ёг туруна эжа
Пӧль-пӧчӧн на ловзьӧдлӧм мусӧ.

УСЬӦ ЛЫМ

Бара төвлысь матыстчӧмсӧ кыла —
Луныс паніс лым чирьяса мойд...
Усьӧ лым — и ньӧжйӧникӧн сылӧ,
Но эн шуй: некодӧс оз дойд.

Бергӧдчыла мӧвпӧн — аддза ылысь
Шойна яг да гажтӧм ывла выв...
Мамлӧн куньса синма чужӧм ыллӧ
Усьӧ лым — и оз нин сӧсся сыв...

АС ПӨЖАЛӨМ НЯНЬ

Кутшөм чөскыд ас пөжалөм няньыд!
Асывбыд нин чөсмаси, ог пөт!..
Көвдумъяс со — баниймаоьсь, шаньоьсь,
Пөжалөма талун Поля тьөт.

Поля тьөт... А важөн өмөй мамө,
Асывводзын, муртса кольліс вой,
Пөжасьліс. И руалісны рама
Шаньга-көвдум пызан вылас тани!
А ме, йөйыд, ышнясьлі, эг сөй...

Пувъя шаньга... Картупеля... Рыська...
Ноксьөмыд эз дөзмыв, сьөлөмшөр!
А ме корсьлі чөскыджыксө кыськө...
Ак, он бергөд челядьдыртө бөр.

Ветла мамө гу вылө ме аски,
Босьта Поля тьөтлысь көвдум гоз...
Уна ичмонь сиктын и Му пасьта,
Чөскыда жө пөжасьөны асьныс —
Да оз некод пөжась мамыд моз...

КЫВТИГӨН

Вай шойчыштöй, пелысьяс! Эзысь ю
рөмпöштан вывти
Мед визулыс нуас, лөнъ гы вылас баййöдлiгмоз.
Мед шондиыс паныдөн ньöжйөнiк енвевтас
кывтö,
Мед берегас паныдөн кывтöны видзьяс и лос.
Ме вунöдла ставсö... Мед сьöлөмöс могъясөн
личкö.
Тан пыж шöрас сувта — и берегсьыс аддзыла
сэк.
Кыдз ас чужан сиктын мем еджыда серöктас
вичко,
Кöть джынвийö киссьöм — ылысянь тыдалö век.
А сикт сайын видзьяс! Сэн гажысла йöктас и
коктöм!
Сэн куртöны нывъяс! Сэн зонкаяс новлöны юр!
А коля кö пыжöс? А сэтчö кö нэм кежлö локта?
Ме ог öмöй ковмыв? Сэн уджыс мем оз öмöй
сюр?
Вот сöмын ог вермы ме ю шöрсянь берегас
косны...
Кöть орччөнöсь мекöд и нывъяс, и дзоридза луд.
Кöть ас керка öшиньын югнитлас шондиа
востым,
Но визулыс тэрыб, и кыркötшыс кайнысö крут.
Лов дейöй! Шань сиктöй! Мед бара нин
янсöдö юыс,
Тэ менö эн вунöд! Эн вошöмөн шу, сьöлөмшөр!
Тадз сувтöмөн кевма, а пыж менсьым визулыс
нуö,
И ачым ог тöд, коркö татчаньö вайлас-ö бөр...

* * *

Ворс, дона друг! Ворс, пальöd менсьым шогöс...
Чунь помнад аддзан — видзödтөг! — быд кизь.
Эн пов, ог чукöрт пытшкö скөрöс-лөкös
И водзös босьтöм висьöмөн ог вись.

Ворс, дона друг! Мед тэнад чужöм вылысь
Оз вештив синсö меным муса ныв...
Ворс! Кылан? Ворс! Тi, зоньяс, йöктöй-сьылöй,
Мед жугыль ме... Ог гажödчы, ог сыв.

Ворс, дона друг! Ой, сямлун тэнад ыджыд!
Ворс! Миян костö лөгалöм оз чуж...
Öд тэнö öнi сы понда он мыжав,
Мый гудöкасьныс ачим ме ог куж...

* * *

Эм ваыс, майбыр... Төвбыдөн эз пактав...
Сьод кымөр паніс зэрөн гажа висьт...
Өд воис тулыс! Мыськав мусө, кисьт!
...А көнкө гөрө-муракылө трактор.

Оз джөмдөд зэрыд! Сы вöсна ог шогсьөй...
Но кодыр вешъяс, мунас татысь зэр...
И көртыс мудзө — гырысь ньылөм сер
Зэр войтъяс пыдди аддза трактор боксьяс.

Кор вөръяс сайө шонді корсяс инас,
Вой муяс весьтө шевкнитас сьод вон...
Сэк трактор пытшсьяс чеччас мудзөм зон,
Көрт другсө, ловъяөс моз,
Малыштас пөсь кинас.

пӧчӧ

Важӧн-ӧ, важӧн,
Чӧрс кодьӧн вӧлі, и ӧзйыліс синмыс
Томлунӧн, гажӧн...
Котӧртліс — муӧдзыс кокыс эз инмыв.

Ӧні со муӧ
Туй вывтӧ мегырӧн кусыня пӧчӧ...
Ачыс эз тунав —
Пӧрысьлун тадзисӧ кусыньтіс, вӧчис.

Лэбисны вояс...
Ворсігтыр, быттьӧкӧ лым чиръяс тӧлын.
Восьлалӧ — со ӧд!
Ӧні он эскы, мый тэрыбӧн вӧлі...

Медбӧръя вынсьыс
Лым чир кодь вояссӧ ас вылас нуӧ.
Кокныдик лымйыд
Тӧвбыдӧн муӧдзыс кусньӧдлӧ пуяс.

* * *

Ой, гожом, гожом!
Тэрмасын, он ов
Тэ лунон дырджык. Пышъян, сёлөмшөрөй!
Со ыргон бион ыпмунома вöрыс —
Вай ветлам сэтчö пальöдыштны лов.

Кöть мян весьтын енэж гожся лöz,
Но мян гөгөр ар нин бара, ар нин!
Ми восьлалам, а кок уланым зарни —
Ми талун тэкöд медся озыр йöz.

И мыйкö шувгö, шувгö пöрысь коз,
А арся тöлыс пуяс костын визув...
И вöзйö-мыччö уна дона изйөн
Туйбокса пелысь ассьыс сьöкыд роз.

* * *

Октябрсянь лымйыс коставлытӧг уси...
Во дас нин, гашкӧ, татшӧмыс эз вӧв.
А сэсся кӧдзыд сулаліс зэв кузя,
Вӧр-ваыс оліс чӧла... Шы ни тӧв.

Қор кӧдзыд войыс койыштліс сикт весьтӧ
Сьӧд енэж пасьта ноп тыр зарни сьӧм...
Сэк кызкӧ весиг сьӧлӧмӧй эз эскыв,
Мый коркӧ кутас дзоридзавны льӧм.

Мый кыз пу гарйын узьӧ быдса олӧм!
Мый муыс кын — да абу кулӧм кын.
Мый коркӧ сылас пывсян джуджда тола...
...Но эм на, майбыр, тулысыдлӧн вын!

Ми ывлаыскӧд выль пӧв ловзям асьным!
Веж прӧшви паськӧм пасьталас быд пу...
И сылӧм лымйысь, пыткас босьтӧм васьыс
Выль турун-дзоридз чужтас садьмӧм му.

* * *

Ми ёрлам төвсө:

«Локтас да оз мун!..»

И кыссьо, кыссьо... Олас, гашкө, во джын.

Кор ышмөм турөб лөвтө лунысь-лун,

Ми ышлолалам: «Көн тэ, зарни гожом?»

Но мед он мыччы гортсьыд ныр ни чунь,

Мед руа көдзыд гыөралө ловтө,

Сэк сідзи-ө ми виччым июнь,

Декабрын эз кө пашляк лыйсьы-шковгы?

Тадз горш косьмиг, кор сотчө-өзйө лов,

Быд дзоля гөп сэк овлө сэтшөм дона!

А оз кө косьмы, ваыс кө оз ков,

И шор он казав, воськовтан сы вомөн.

* * *

Горөдла кө сыланкывсө тайөс —
Казявлад!

Но кывъяссө ог төд...
Гортө эськө медшань нывсө вайи,
Эз кө сійөс корав-удит мөд.

Вуджа повтөг медся дзибрөс пыжөн
Төла дырйи гыөн ворсысь ю!
Көдзыд арсө водз воөмысь мыжав —
Кынмис юыс, восьсанас эг су.

Тиян водзын войт мында ог ошйысь —
Нем жалиттөг босьті эськө лов
Парма-вөрас медся ыджыд ошлысь,
Сыысь, ёртъяс, ачым кө эг пов.

Сэтшөмсө ме уна эськө вөчи,
Мыйысь медсюсь мортөн кывси нэм!
Сөмын — кыз он ёрччышт, мача-көчөй,
Век да мыйкө вомдзалысьыс эм...

* * *

Сьöd кымөр-гундыр йиркакыліг кайö...
Эн повзы сыысь, рочаканьöй, эн!
Кöть зэрас лунтыр — эрд вылас, сикт сайын,
Эм миян льöм пу. Дзедсяніныс эм.

И ачыс льöм пу дзедсынысö тшöктö,
Кор тадзи вежсьö ывлаыслөн сер...
Дыр миян весьтын долыдырысь йöктас
Веж коръяс вылын вöсни кока зэр...

ЭН ДӨЗМЫ

Сулаліс тай пожом төвбыд букыд,
Но, а вөлөм,— тулыс кежлө дась!
Пельпомъяснас пыркнитіс — и здукөн
Пөрччис вывсьыс сьөкыд төвся пась.

Йи улын тай юыс лөня-лөньсьыс
Узис... Сійөс эгө кывлөй ми!
Садьмис сэсся, зэлөдіс став сөнсө —
Өти лунөн вывсьыс жугліс йи.

Тэ гөгөр ме дыр кө ветла чөла —
Сысы тэ эн дөзмы, муса ныв!
Пола на... Но здукөн коркө сьөлөм
Аддзас тэныд асьсө восьтан кыв!

* * *

Енэжын вом тырнас сералӧ выль чужӧм тӧлысь,
Небыда лым чиръяс байӧдлӧ сынӧдас тӧлыс.

Узьӧны-шойчӧны лым улын сиктбердса муяс,
Шы ни тӧв узьӧны пармаын гыӧра пуяс.

Ты узьӧ... Лэбисны важӧн нин лунвылӧ юсьяс...
Узьӧны юяс... А меным со бара оз узьсьы.

Мусакӧд ветлывлан ордымсӧ эг на ме вунӧд!
Матыстча горт дӧнас... Ӧшиняс таркнита чуньӧн.

Ӧдзӧссӧ осьтас... И сывъясям ёна-ӧ пӧся?
Сайӧдас миянӧс войыс да гыӧра ӧшинь.

* * *

Лэчыд дорышнас

медводдза кодзув со югнитіс ёся...

Воча ыпнитіс

кодлөнкө выльён на мыскалём өшинь.

Кылан, мусаёй? Пет!

Рытъя сынёдыс сэтшөм, мый позьё

Ва моз гумовтны сынёдсө

дзик тырыс Сизима кодзувлён көшө.

Петав, мусаёй!

Керкаад олөмысь эн өмөй дөзмы?

Весиг енежас, сэн,

лэчыд дорыша кодзулыс,

гашкө, мөд кодзувлы муса!

Сэтчөдз кодзулыс эм,

кытчөдз ми костын радейтчөм өзйө,

Кор тэ көдзалан меысь,

сэки еневтлөн мичлуныс төдлытөг

кусө.

Мед ми зыксыйлам тэкөд...

И лөгавлам кузякодъ — овлө...

Тэнө гортланьыд колльөдіг

ас кежысь мөвпала сідзи:

Ставыс Му вылас...

Му весьтас ставыс

Пось муслунөн сөмын и ловъя.

Тэа-меа кө радейтам —

муслун шоньдөн Олөмсө видзам.

ШОГСЬӨМ

Мыйкө дыр зэв оз разав руыс,
Оз-ө зэрмыны ывлаыс дасьтысь?
Өд январь! Вöрын гыöра пуяс
Кöдзыд ру пыткас ру кодьöсь асьныс.

Гажтöм... Кодкö кö паныд и локтö
Меным ёрт вылö, тэрмасьö татчö,
Сийö бара на мунас бокті,
Бара ру пытшсьыс менö оз аддзы.

Вой кö вöлі да петалис тöлысь —
Вайис ме дорöдз локтысь мортсö!
Сöмын русö оз разöд тöлыс —
Сідзкö, миянлы некод оз отсав.

Öзйö весьшөрö аддзысьныс лача —
Лои весьшөрö петöма туйö.
Кодöс мыждан, мый ме ог аддзысь
Локтысь морткөд? Öд вöлі руа...

* * *

Ар зарнисö расъяслысь нуис,
Кор шаркөдчис зэр сора йи...
Тэ, янсөдчиг, дженьыда шуин,
Мый тулысөдз янсөдчам ми.

— Эн шогсы и мөдөс эн корав,
Өд тулыснас аддзысям бөр!
...А турияс бөрдисны нора,
И вой төлыс омляліс, скөр.

Эг, кольччыны тэнө эг кор ме,
Но гажтөмла сулаліс чөв...
...Сьөд турунъяс, гылалөм коръяс
Кыз эшкынөн шебраліс төв.

Но во джынйыд исковтис-төвзис!
А тулысын... Эскан-ө, зон?
Кор аддзысим, сьөлөм эз вөрзъыв,
А мырдөн он вөрзьөд тай, он.

И шонді кор чарөмсө нюлө
Да енэжас ыпъялө, яр.
Ми төдам, мый воөма тулыс,
А лым увсьыс петкөдчө ар.

ВОШТӨМ

Ме колльөдны тэрмаси тэнё
Да аэропортас эг су...
Со муыслысь кыскөмсё веніс —
Оз пов зэрсьыд вынйёра «ТУ»

И вывланьё йиркөдіс-кайис,
И саяліс лайнерлөн би...
А ме тани, көрт забор саяс,
Бөр мунны нин корси такси.

Зэр нёшта на өддзис и содіс —
Эз вёв ваыд кымөрлы жаль...
...Сьёд лентаён лөсталис-водіс
Такси улё туйлөн асфальт.

Эг бөрд... Но машинаас, сэні,
Тадз ас кежысь мөвпалі дыр —
И мыйла быд аддзысьлөм менам
Шог воштөмөн бергөдчө пыр?

КӖСӢЫСЬӖМ

Мед радейтча да муслун биӖн сотча —
Ме тайӖ рӖклы, суас кӖ, ог водзсась...

Кор арнас кыла турияслысь бӖрдӖм —
Мед бӖрда тшӖтш... Мед сьӖлӖм оз ло кӖртӖн.

Кор ёртлы шог, кор олан визьыс орӖ —
Мед лоа орчӖн! Мед ог виччысь корӖм.

Кор ковмас мунны чужанӖнсянь ылӖ —
Мед сӖки лолӖй гажтӖмчӖмӖн сьылӖ.

Мед йӖзлӖн озырлун ылӖ ог вежав,
Мед лолӖс тайӖ висьӖмыс оз пежав!

Став бурыс — ов! А лӖксӖ пытшкысь венны —
Мед енмыс сетас дзоньвидзалун меным!

* * *

Москваын ыпъялõны зарниõн
Вичко юръяс... Пõртмасьõны сідз!
...Кызъяс, кõнкõ, õзйисны жõ пармаын,
Во чõж налысь мичлунсõ он видз.

Регыд вой тõв петас пõльтны-швичкыны,
Кыз пу корйõн тырõ чужан му...
А Москвалысь уна нәмся мичлунсõ,
Мыйõн меным любуйтчыны вичмис,
Медся ыджыд тõв нырыс оз ну.

Янсõдчам ми... Коркõ õмõй вунõда
Карсõ тайõс? Лэччас уна ва.
Мамõлысь моз нәм чõж кута шуны
Нимсõ сылысь меліа: «Москва!»

Сõмын ог на сьõлõм бердõдз инмõдчы,
Ог кõ восьтысь — аслым ог ло ас,
Вõзйõ аслысног Москваыд мичсõ мем —
Вичко юръяс õзйõны, а син водзõ
Сувтõ Коми муысь кыддза рас!

ФОНТАН

Ичөтик, но рай кодь мича скверын,
Мазі тыра дзоридз пыткас, тан,
Сералө да мунысьясөс нерө
Мусьыс письтөм вильышпоз — фонтан.

Пыдөстөм на енэж отыс весьтас,
Турун вылө оз на гылав кор...
Мөвпыштан да — төвбыд тадзи эськө
Сылөн гажа сьылөмыс эз ор...

Өктө войтьяс-би киньяссө мудзтөг
Өти зэлыд гөрөдө — он разь...
Морт киясөн тайө чужтөм ключсө
Ошпикөд ме өткодявны дась.

Гожөм чөж код ланьтлыны оз эштыв,
Гажөдчөмысь, ворсөмысь оз пөт...
А мый көдзыд арөн гожөм вежсьө,
Гуө пыран кадөн — оз на төд...

ВАГАНЬКОВСКОЙ КЛАДБИЩЕ ВЫЛЫН

Кор кыаыс енэжсö би кывйöн нюлö,
А ыркыдыс рытъя нин ёсь,
Ме ньöжйöник муна Есенинлөн гулань —
Тан тэрмасьны мортлы оз позь.

Тан чöвлуныс сэтшöм, мый торкнысö полан...
Сентябрь ачыс, палявтöм шог,
Гöрд бурыся чибукöн гу дорас волö,
Ар козьналö зарни венук.

Öд сэксянь, кор колипöс сывъяліс унмыс,
Кор век кежлö ланьтіс поэт,
Збыль — шочджыкöсь лоины шондіа лунъяс,
Оз важ мында кодзулыс пет.

И талун со шондіыс синмöс эз пöртмав,
Дай öні на буситö со...
Ми быттьö Россиякöд öтвылысь бöрдам,
Но кокныдджык сыысь оз ло...

ГАЖАММИС

Зэр тыра кымөрлысь кынём
Ёсь юрнас вожодіс Кремль.
Шондіыс йёртөдсьыс мыні,
Долыда нюммуніс мем.

Косөдіс тшөктытөг, шутюг
Пуяссө төвруыс, збой...
Ва гөпъяс вөліны рудось —
Ыпмуни наын быд войт.

Көсйытөг ывлаас петсяс...
Ме өд тан гортын жө, да?
Восьлав көть татчө, көть сэтчө,
Быдлаын помтөг — Москва.

Мый эськө висьталан татчө?
Лөсьыд тай йөз дорад век.
Петі да казялі ачым —
Мыйла нө водзджыксө эг?

Горөдсис кытчөкө водзө:
— Эм шудыс олөмын, эм!
...Дас кыкысь юрөбтіс воча,
Тшөтш сэки шыасис Кремль.

* * *

Кытшлалёны менсьым сиктёс зэръясыс...
Юра кымөр вөр сайсянь оз лыб.
Тёвруыскөд арся кельыд серъясөн
Жугыльпырысь ворсё косьмём ыб.

Чорыд засё енэжланьыс чургөдө
Өмидз, быттьө муас сатшкём рос.
Парма шөрүн турияс оз юргыны —
Нюрыс налөн пыдөсөдзыс кос.

Оз өд весиг ыркнитывлы войяснас,
Асыв югид лысваён оз во.
Пөчөяс со өшинь улын ойзёны —
Град выв пуктас немтор пө оз ло.

Сөмын ворсысь челядь вадор лыаас
Шудабсь, коть оз и зэрлы тат.
Ме тшөтш сэтчө лунтыр кежлө ылавла —
Челядьдырө бергөдчывны рад.

Челядьыскөд талапөлас ворсигөн
Кокни жө нин сьөлөм вылын мем!
Өзйы, шонді, енэж шөрас ёрсигтыр,—
Гожомыс өд сы вылө и эм.

Миянөс мед пөчөясыс ёрöны:
«Урсаланнуд поводдясө ті!»
Юрбитөмөн кымөр татчө корöны,
Зэртöгыс на талун олам ми!

ЮРИНДАЛЫСЬ

Уджйӧз	1
«Збыль — арлыдтӧ артавны сэки оз сулав...»	2
«Эн жалит кызд пусӧ, код дзоляник да нэр...»	3
Оти дойӧн	4
«Нэм олан, ёрт,— да быттӧ он и ов...»	5
«Зэв ыджыд чолӧм тэд, пыдӧстӧм лӧз синма тыӧй...»	6
Гӧра	7
Усьӧ лым	8
Ас пӧжалӧм нянь	9
Кывтигӧн	10
«Ворс, дона друг! Ворс, пальӧд менсьым шогӧс...»	11
«Эм ваыс, майбыр... Тӧвбыдӧн эз пактав...»	12
Пӧчӧ	13
«Ой, гожӧм, гожӧм!..»	14
«Октябрсянь лымйыс коставлытӧг уси...»	15
«Ми ёрлам тӧвсӧ: «Локтас да оз мун!..»	16
«Горӧдла кӧ сзыланкывсӧ тайӧс...»	17
«Сьӧд кымӧр-гундыр йиркакылӧг кайӧ...»	18
Эн дӧзмы	19
«Енэжын вом тырнас сералӧ выль чужӧм тӧлысь...»	20
«Лэчыд дорышнас медводдза кодзув со югнитис ёся...»	21
Шогсьӧм	22
«Ар зарнисӧ расъяслысь нуис...»	23
Воштӧм	24
Кӧсйысьӧм	25
«Москвын ыпъялӧны зарниӧн...»	26
Фонтан	27
Ваганьковской кладбище вылын	28
Гажаммис	29
«Кытшлалӧны менсьым сиктӧс зэръясыс...»	30

Михаил Андреевич Елькин

С ОТКРЫТЫМ СЕРДЦЕМ

Стихи на коми языке

Редактор **А. В. Тентюков**

Художественный редактор

В. Б. Осипов

Технический редактор

А. Н. Вишнева

Корректор **А. А. Надуткина**

ИБ № 1345

Сдано в набор 31.03.89. Подписано к печати 16.06.89. Ц01933. Формат 70×90^{1/32}. Бумага № 2. Гарнитура «Литературная». Печать высокая. Усл. печ. л. 1,17. Усл. кр.-отт. 1,46. Уч.-изд. л. 0,82. Тираж 1000. Заказ № 4107. Цена 10 к. Коми книжное издательство. 167610, г. Сыктывкар, ул. Карла Маркса, д. 229.

Главное предприятие Коми республиканского полиграфического производственного объединения. 167610, г. Сыктывкар, ул. Первомайская, 70.



10 к.